


BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA		BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR
---	---	--

UPRAVA POLICIJE

Broj: 05-04/06-11-722/24/RS – LOT 2

Datum: 16.08.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Sl. glasnik BiH“, broj: 39/14, 59/22 i 50/24), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-722/24 od 13.08.2024. godine, člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK - a”, broj: 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), u postupku javne nabavke roba – obuće za policijske službenike Uprave policije MUP USK-a, direktor Uprave policije MUP USK-a, d o n o s i :

**ODLUKU**  
**o izboru najpovoljnijeg ponuđača – LOT 2**

Član 1.

Prihvata se Preporuka Komisije za javne nabavke broj: 05-04/01-1-11-722/24 od 13.08.2024. godine i ugovor/okvirni sporazum za javnu nabavku roba – obuće za policijske službenike Uprave policije MUP USK-a - LOT 2 (Cipele gležnjače) dodjeljuje se ponuđaču „**SHOT**“ **D.O.O. ZENICA** za ponudenu ukupnu cijenu u iznosu od **273.750,00 KM** (slovima: dvijestosedamdesettriiljadesedamstopepedeset i 00/100 KM) bez uračunatog PDV-a, odnosno **320.287,50 KM** (slovima: tristodvadesetihljadadvijestotineosamdesetsedam i 50/100 KM) sa uračunatim PDV-om na osnovu kriterija za dodjelu ugovora „najniža cijena“.

Član 2.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopija dokumenata iz člana 45. Zakona o javnim nabavkama BiH. Ova obaveza se ne odnosi na ponuđača koji je ovjerene kopije/originalne dokumenata iz člana 45. ZJN dostavio u sastavu ponude.

Član 3.

Po pravosnažnosti ove odluke, Ugovorni organ će pozvati izabranog ponuđača radi zaključenja okvirnog sporazuma/ugovora o nabavci kojim će se regulisati međusobna prava i obaveze vezano za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

Član 4.

Za izvršenje ove Odluke zadužuje se i ovlašćuje Sektor za materijalno-financijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 5.

Ova odluka će biti objavljena na web-stranici Ugovornog organa [www.mupusk.gov.ba](http://www.mupusk.gov.ba) uz istovremeno upućivanje svim ponuđačima koji su učestvovali u postupku javne nabavke elektronskim sredstvom (mailom), shodno članu 70. stav (2) i stav (6) Zakona o javnim nabavkama.

**O b r a z l o ž e n j e**

Postupak javne nabavke pokrenut je odlukom o pokretanju postupka javne nabavke broj: 05-04/06-11-722/24//RS od 18.06.2024. godine.

Javna nabavka je provedena putem otvorenog postupka u skladu sa Zakonom o javnim nabavkama BiH (“Sl. glasnik BiH”, br. 39/14, 59/22 i 50/24), podzakonskim i internim aktima.

Ukupna procijenjena vrijednost javne nabavke bez PDV-a iznosi 500.000,00 KM (slovima: petstotinahiljada i 00/100 KM).

Predmetna nabavka je podijeljena na 4 (četiri) LOT-a, i to:

BROJ I NAZIV LOT-a	PROCIJENJENA VRIJEDNOST (bez PDV-a)
Lot 1 – Plitke cipele	188.000,00
Lot 2 – Cipele gležnjače	274.000,00
Lot 3 – Ljetne - poluduboke čizme	30.000,00
Lot 4 – Cipele svečane	8.000,00

Kriterij za dodjelu ugovora je najniža cijena.

Obavještenje o nabavci broj: 20936-1-1-42-3-24/24 objavljeno je dana 28.06.2024. godine na Portalu javnih nabavki BiH.

Krajnji rok za prijem ponuda bio je 13.08.2024. godine do 09:00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-585/23 od 06.06.2023. godine i od 29.04.2024. godine.

Komisija za javne nabavke dostavila je Odsjeku za materijalno opremanje i komercijalne poslove Zapisnik sa otvaranja ponuda – LOT 2 od 13.08.2024. godine, te Zapisnik o ocjeni ponuda – LOT 2 broj: 05-04/01-1-11-722/24 od 13.08.2024. godine sa Preporukom o izboru najpovoljnijeg ponuđača broj: 05-04/01-1-11-722/24 od 13.08.2024. godine, u predmetnom postupku javne nabavke.

U postupku po Zapisniku o pregledu i ocjeni ponuda je utvrđeno da je Komisija za javne nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 2 (dvije) ponude za LOT 2;
- da su blagovremeno primljene 2 (dvije) ponude za LOT 2;
- da nije bilo neblagovremeno primljenih ponuda;
- da je ponuda ponuđača „SHOT“ D.O.O. Zenica za LOT 2 prihvatljiva
- da je ponuda ponuđača: „KM TRADE“ d.o.o. Visoko za LOT 2 nepravilna

Uvidom u dostavljenu ponudu i dokumentaciju ponuđača „KM TRADE“ d.o.o. Visoko za LOT 2, Komisija je utvrdila i konstatovala da navedeni ponuđač ne ispunjava sve uvjete koji su traženi tenderskom dokumentacijom, odnosno da dostavljeni Aneks 3 – Obrazac za cijenu ponude u sastavu ponude nije u skladu sa tenderskom dokumentacijom, odnosno nije u skladu sa izmjenom tenderske dokumentacije.

Naime, ugovorni organ je na Portalu javnih nabavki BiH za ovaj postupak nabavke objavio tendersku dokumentaciju broj: 05-04/06-11-722/24/RS dana 28.06.2024. godine, a dana 02.07.2024. godine ugovorni organ je na Portalu javnih nabavki BiH objavio izmjenu tenderske dokumentacije kojom je izmjenjen Aneks 3 - Obrazac za cijenu ponude za LOT 1, LOT 2, LOT 3 i LOT 4.

Uvidom u dostavljenu ponudu ponuđača „KM TRADE“ d.o.o. Visoko za LOT 2, Komisija je utvrdila da ovaj ponuđač u svojoj ponudi nije dostavio Aneks 3 koji je u skladu sa izmjenom tenderske dokumentacije objavljene na Portalu javnih nabavki BiH dana 02.07.2024. godine.

Shodno navedenom, ponuda ponuđača „KM TRADE“ d.o.o. Visoko dostavljena za LOT 2 je ocijenjena kao nepravilna u skladu sa članom 68. stav (4) tačka i) Zakona o javnim nabavkama BiH.

Uvidom u dostavljenu ponudu i dokumentaciju ponuđača „SHOT“ d.o.o. Zenica za LOT 2, Komisija je utvrdila i konstatovala da navedeni ponuđač ispunjava sve uvjete koji su traženi tenderskom dokumentacijom, te je ponuda ovog ponuđača za LOT 2 ocijenjena kao prihvatljiva.

E-aukcija za LOT 2 nije zakazana iz razloga što je prihvatljivu ponudu dostavio samo jedan ponuđač.

Podaci o ponuđaču čija je ponuda ocijenjena kao najpovoljnija za LOT 2:

PODACI O NAJPOVOLJNIJEM PONUĐAČU	
Naziv ponuđača	„SHOT“ D.O.O. ZENICA
Sjedište i adresa	Zmajevačka cesta 55C, 72000 Zenica



Ukupna cijena ponude bez PDV-a	273.750,00 KM
Ukupna cijena ponude sa PDV-om:	320.287,50 KM

U postupku donošenja ove odluke, posebno su cijenjene činjenice da je Komisija za javne nabavke pravilno i potpuno izvršila ocjenu ponude, u skladu sa uslovima i kriterijem iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 25., člana 68. stav (4) tačka i) i člana 70. stavovi (1), (2), (3) i (6) Zakona o javnim nabavkama BiH ("Sl. glasnik BiH", broj: 39/14, 59/22 i 50/24), člana 26. i člana 27. stav (3) Zakona o unutrašnjim poslovima Unsko-sanskog kantona ("Službeni glasnik USK-a", broj: 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), odlučeno je kao u dispozitivu ove odluke.

#### POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno ili elektronskim putem (e-mailom) ili preporučenom poštanskom pošiljkom na adresu Ugovornog organa.

Dostaviti:

1. Ponuđaču: "KM TRADE" D.O.O. VISOKO, putem e-maila: [info@kmtrade.ba](mailto:info@kmtrade.ba)
2. Ponuđaču: „SHOT“ D.O.O. ZENICA, putem e-maila: [info@shot.ba](mailto:info@shot.ba)
3. Sektor za mat. fin. poslove i IKT - za objavu
4. a/a



